

Pór Magnússon
Þjóðminjavörður
Þjóðminjasafn Íslands
P.O.Box 1489
121 Reykjavík

19.3.1989.

Kæri Pór,

hér með sendi ég tvær stuttar skýrslur. Eina um umhverfið á Stöng, sem ég hef lengi ætlað að skrifa, og aðra um vettvangsathugun við Hlíðarstekkatún í Hrunamannahreppi. I dag hef ég einnig sent skýrslu um rannsóknina við Nesstofu síðastliðið sumar. Hana sendi ég til Guðmundar Ólafssonar og til bæjarstjóraembættisins á Seltjarnarnesi.

Eg sendi þér nýlega bréf varðandi kolefnisaldursgreiningarnar á beinum frá Skeljastöðum. Eg vona að þú takir vel í ósk mína og skrifir mér fljótlega í sambandi við hana. Bein frá sömu gröfum eru nú komin til Uppsala og munu verða aldursgreind í næsta mánuði.

Eg hefst brátt handa við að skrifa um íslensku gripina, sem fara eiga á sýninguna í París, og sem Else Roesdahl hefur væntanlega sagt þér frá. Eg vil þó ekki skrifa um Flata-tungufjalirnar eða vefnaðinn og bað ég Else um að snúa sér til þín og Elsu Guðjónsson með það. Eitthvað finnst mér sýningin örlitið laus í reipunum.

Eg kem til Íslands í júní; verð með Thomas McGovern og Amorosi norður á Ströndum. Eg verð mikið í Reykjavík til að ná í og senda fólk og vistir norður. Aður en ég held af stað vil ég gjarnan ræða við þig um silfursjóðinn frá Mið-húsum. Eg er enn mjög í vafa um eðli hans og vil gjarna að silfrið verði rannskað betur við tækifæri. Hef ég í því sambandi haft samband við professor Buchwald á Danmarks tekniske højskole, og vill hann gjarna rannsaka silfrið. Mér finnst best að allt verði rannsakað, svo að ég geti eytt grun mínum. Eg hef engan áhuga á að finna falsara eða gera einhvern að athlægi, í sambandi við þetta mál ef grunur minn reynist byggður á rökum. Heima hef ég aðeins sagt þér, Mjöll, Þóru, Kristínu og Halldóru frá þessum grun mínum, sem ég vona að sé á misskilningi byggður. Eg mun bráðlega senda myndir af hlutunum til Graham Campbells, til að heyra hvað honum finnst um gripina. Else Roesdahl tjáði mér, þegar ég spurði hana, að henni hafi þótt sumir gripirnir í sjóðnum örlitið einkennilegir. Eg legg þó ekki mikið mat á álit annarra, fyrr en gerð hefur verið nauðsynleg rannsókn á

sjóðnum. Slik rannsókn hefur aldrei farið fram, liklegast vegna þess að sjóðurinn þurfti enga forvörslu.

Þegar þú kemur til Danmörku í lok mánaðarins, gætir þú ef til vill slegið á þráðinn til míni Arósum og rætt um þetta, ef þú hefur tíma. Síminn er 86 240819. Eg var að enda við að heyra um mikinn jarðskjálfta heima í dönsku útvarpsfréttunum. Vona að Þjóðminjasafnið hafi þolað skjálftan.

Bestu kveðjur.

Vilhjálmur Örn Vilhjálmsson